



Concello de Vigo

D^a. M^a JESÚS LAGO REY, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión extraordinaria e urxente do **7 de novembro de 2014**, adoptou o seguinte acordo:

7.- PROPOSTA DE ADXUDICACIÓN DO PROCEDEMENTO ABERTO PARA A CONTRATACIÓN DO SERVIZO DE ACONDICIONAMENTO, MANTEMENTO E ARRANXO DAS INFRAESTRUTURAS VIARIAS DO CONCELLO DE VIGO. EXPTE. 71048/250.

Examinadas as actuacións do expediente, dáse conta do informe-proposta do 24/10/14, do secretario da Mesa de Contratación que figura fiscalizado o 04/11/14 e que di o seguinte:

"LEXISLACIÓN APLICABLE

- *Real Decreto Legislativo 3/2011, de 14 de novembro, polo que se aproba o texto refundido da Lei de Contratos do Sector Público (TRLCSP).*
- *Real Decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de Contratos do Sector Público (RLCSP).*
- *Real Decreto 1098/2001, de 12 de outubro, polo que s^e aproba o Regulamento Xeral da Lei de Contratos das Administracións Públicas (RLCAP), no que no se opoña ó Real Decreto Legislativo 3/2011.*
- *Prego de cláusulas administrativas particulares do procedemento aberto para a contratación do servizo de acondicionamento, mantemento, e arranxo das infraestruturas viarias do Concello de Vigo.*

ANTECEDENTES

Primeiro.- a Xunta de Goberno Local, na sesión ordinaria do **10 de outubro de 2014**, adoptou o seguinte acordo:

5.- Proposta de clasificación.

a) *Procedemento aberto para a contratación do servizo de acondicionamento, mantemento, conservación e arranxo das infraestruturas viarias do concello de Vigo (expediente 71048-250).*

Á vista das actuacións desta Mesa de Contratación celebradas os días 30-07-2014, 14-08-2014, 21-08-2014, 02-09-2014, 05-09-2014, 09-09-2014, 19-09-2014 30-09-2014, 03-10-2014 e 06-10-2014 e dos informes do xefe de Area de Fomento e o Enxeñeiro xefe do servizo de Vías e Obras de data 11-08-2014, 08-09-2014, do xefe da área de Fomento de datas 14-08-2014 e 27-08-2014 e do o Enxeñeiro xefe do servizo de Vías e Obras de data 01-10-2014 e 03-10-2014, por unanimidade dos asistentes, se propón á Xunta de Goberno Local, na súa calidade de órgano de contratación (disposición adicional 2ª TRLCSP), a adopción do seguinte acordo:

"Primeiro.- Considerar que a oferta presentada por Elsamex S.A. contén valores anormais ou desproporcionados a vista do informe do Enxeñeiro xefe do servizo de Vías e Obras de data 01-10-2014 ..

Segundo: Clasificar, de acordo cos criterios de adxudicación sinalados no prego, as proposicións admitidas no "procedemento aberto para a contratación do servizo de acondicionamento, mantemento, conservación e arranxo das infraestruturas viarias do concello de Vigo (expediente 71048-250), no seguinte orde decrecente:

EMPRESA	CRITERIOS JUICIO DE VALOR	CRITERIOS FORMULA	PUNTUACION GLOBAL OFERTA
CIVISGLOBAL	18,60	77,20	95,80
UTE COVSA - ORECO	9,15	68,02	77,17
UTE MISTURAS - LOSADA BUS	7,80	70,68	78,48
UTE EXTRACO - GAVILANES	7,80	61,45	69,25

Terceiro.- Requirir ao licitador clasificado en primeiro lugar, CIVIS GLOBAL S.L., para que presente, no prazo de dez días hábiles, a contar desde o seguinte a aquel en que recibise o requirimento, a seguinte documentación (artigo 151.2 TRLCSP):

- *Declaración responsable de non estar incurso en prohibición de contratar.*
- *Certificacións de acharse ao corrente das súas obrigacións tributarias co Estado, Xunta de Galicia e coa Seguridade Social.*
- *A documentación esixida na cláusula 8 do prego de cláusulas administrativas particulares.*
- *Póliza do seguro de todo risco construción de acordo co apartado 14 a) das FEC.*
- *Resgardo da garantía definitiva esixible de acordo co disposto na cláusula 22 do prego de cláusulas administrativas particulares.*
- *Declaración responsable designando o seu delegado coas funcións descritas na cláusula 27.11 do PCAP.*
- *Compromiso de adscrición á execución do contrato dos medios persoais e materiais ós cales se comprometeu na súa oferta.*

Cuarto.- Requirir ao citado licitador o aboamento de 686,64 euros en concepto de custe dos anuncios de licitación".

Segundo.- Este acordo foi notificado ó licitador clasificado en primeiro lugar o día 13 de outubro de 2014, que presenta a documentación requirida en data 20 de outubro de 2014, dentro do prazo sinalado. Revisada a documentación se observa que esta é correcta.

FUNDAMENTOS XURÍDICOS

Primeiro.- A nosa lexislación contractual impón ó órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarse ós licitadores e, simultaneamente, publicarse no perfil de contratante (artigo 151.4 TRLCSP).



Concello de Vigo

Recibida tanto a documentación presentada polo licitador clasificado en primeiro lugar como a solicitada de oficio pola administración municipal, e comprobado que esta é correcta, procede adxudicar o presente contrato.

Segundo.- A competencia para formular a proposta de adxudicación ao órgano de contratación correspóndelle á Mesa de contratación. A proposta se realizará a favor do licitador que presente a proposición que contivese a oferta economicamente máis vantaxosa de conformidade co prego de cláusulas administrativas particulares que rexe a licitación (artigo 22.1.g RLCSP).

Terceiro.- A competencia para a resolución do presente expediente correspóndelle á Xunta de Goberno Local (apartado 3 da disposición adicional segunda do TRLCSP), na súa calidade de órgano de contratación.

En mérito ó que antecede, se propón á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

*"Adxudicar a CIVIS GLOBAL, S.L., o procedemento aberto para a **contratación do servizo de acondicionamento, mantemento, e arranxo das infraestruturas viarias do Concello de Vigo (expediente 71048-250)** por un prezo total de 6.400.000 euros (IVE incluído) e unha baixa proporcional única do 29,74% respecto dos prezos unitarios do contrato fixados no ANEXO I ao Prego de Prescricións Técnicas Particulares asimesmo o adxudicatario na súa proposta renuncia a percibir o 100% do incremento do prezo do contrato que resulte en cada momento da formula de revisión de prezos prevista no apartado 3 J da FEC, Incrementa o prazo de garantía mínimo previsto de 12 meses en 72 meses e incrementa nun 1% a aportación económica destinada ao control de calidade.*

O adxudicatario comprometese a execución das seguintes prestacións adicionais:


- 2 anuncios anuais na prensa local a media páxina.
- Incorporar unha brigada de inspección formada por dous oficiais primeira.
- Un coche eléctrico.
- Utilizar o programa de xestión de stock propio da empresa.

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada."

Acordo:

A Xunta de Goberno Local acorda aprobar a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a dez de novembro do ano dous mil catorce.



V. e Pr.
O ALCALDE,

Abel Caballero Álvarez.

